

毛

詩

說

毛詩卷二

鄭一之七

鄭本西周畿內咸林之地宣王母弟桓公采邑桓公子武
公定平王於東都因滅號檜以建國乃施舊號於新邑今
在河南開封府新鄭縣以鄭繼王者亂王法敗王章而天
下無王自莊公之爲王卿士作之備也

緇衣三章章六句

緇衣武公好賢也

緇衣之宜兮一字敝一字予又改爲兮適子之館兮一字還一字予授子之
粢兮

緇黑色。緇衣深衣也。宜稱改更館舍也。蔡美女也。衣服館舍侍御無所不備。以順適賢者之意。好之至也。

緇衣之好兮。敝予又改造兮。適子之館兮。還予授子之祭兮。緇衣之席兮。敝予又改作兮。適子之館兮。還予授子之祭兮。席儲也。

武公乘王室之亂。據號檜之地。極意下賢。不惜備物。以招來之。遂能世國。列於諸侯。首此詩著立國之由也。

將仲子三章章八句

將仲子刺祭仲也

將仲子兮。無踰我里。無折我樹杞。豈敢愛之。畏我父母。仲可懷也。

父母之言亦可畏也。

仲子謂祭仲也。里二十五家所居也。杞柳屬踰里。猶云自踰短垣。踰踰閑也。折杞猶云拔本塞源。踰壞法也。父母喻先王也。典章制度皆先王所定。以遺後世者。今乃不率由而踰之。折之。是幾先王也。縱舊章之不恤。而先王之訓固罪在不赦。不亦可畏也哉。

將仲子兮。無踰我牆。無折我樹桑。豈敢愛之。畏我諸兄。仲可懷也。諸兄之言亦可畏也。

諸兄喻時王及諸大國。

將仲子兮。無踰我園。無折我樹檀。豈敢愛之。畏人之多言。仲可懷

也。人之多言亦可畏也。

園者圃之藩也。檀木強韌可爲車軸。人喻天下後世。

春秋之初諸侯無王。自莊公始而莊公之所以能無王者。則以祭仲爲之謀臣也。鄭風不刺莊公而刺祭仲。亦誅亂賊鋤羽翼之義。

叔于田三章章五句

叔于田。諛段也。段不義而得衆。其人溺而愛之。故作是詩。

叔于田。巷無居人。豈無居人。不如叔也。詢美且仁。

叔莊公弟共叔段也。田取禽也。巷里塗也。仁愛人也。

叔于狩。巷無飲酒。豈無飲酒。不如叔也。洵美且好。

冬獵曰狩

叔適野。巷無服馬。豈無服馬。不如叔也。洵美且武。

郊外曰野。服乘也。

大叔于田三章章十句

大叔于田亦諛段也。從公而田。故題加大以別之。

叔于田。乘乘馬。執轡如組。兩驂如舞。叔在薮。火烈具舉。禮殤暴虎。獻于公所。將叔無狃。戒其傷女。

乘馬四馬也。車衡外兩馬曰驂。如舞。諧和中節也。數澤也。火焚而射也。烈。火威也。具。俱也。禮。殤肉袒也。暴。徒手搏也。公莊公也。

狙習也。女謂段也。

叔于田。乘乘黃。兩服上襄。兩騂鴈行。叔在數。火烈具揚。叔善射忌。又良御忌。抑磬控忌。抑縱送忌。

乘黃。四馬皆黃也。衡下夾轅兩馬曰服。襄。駕也。馬之上者爲上。駕也。鴈行。次服如鴈行也。揚起也。忌。抑。皆語辭。騂。馬曰。磬。止馬。曰。控。舍板曰。縱。覆。彌曰。送。

叔于田。乘乘鵠。兩服奔奔。兩驂如手。叔在數。火烈具阜。叔馬慢忌。叔發罕忌。抑釋棚忌。抑屯弓忌。

鵠。鳥有行列。四馬似之。阜。盛慢。遲罕。希釋解也。棚。同冰。矢。箭。蓋也。屯。同。輶。弓。囊也。言田事將畢而從容整暇也。

兩叔于甲與春秋鄭伯克段相發明見段之穢名疑君寵偏
不忌而莊公縱使失道以致之死厥罪維均序以爲刺莊公
雖非作詩者之意而深得聖人錄詩之旨

清人三章章四句

清人刺文公也文公惡高克使將清人次河上久而不
召師潰而高克奔陳國人爲賦此詩

清人在彭。駟介旁旁。二矛重英。河上乎翔翔。

清邑名彭。河上地名。駟介。駟乘之甲士也。凡兵車左人持弓主
射。右人持矛主刺。中人御主馬。若有將則居御後。主金鼓皆被
甲。故曰駟介旁旁。勇貌。三矛。首矛。夷矛也。英。以羽爲矛飾也。首

矛長三丈。夷矛長二丈四尺。並建於車上。則其英重疊而見。翔遊戲貌。

清人在消。駟介麇麇。二矛重喬。河上乎逍遙。

消亦河上地名。麇麇武貌。矛之上句懸英者曰喬。英盡則喬見矣。逍遙猶翔翔也。

清人在軸。駟介陶陶。左旋右抽。中軍作好。

軸亦河上地名。旋旋弓抽抽矛也。中軍軍中主將謂高克也。作好治兵爲容好也。

此與春秋鄭棄其師相發明。克段棄師。皆春秋特筆。故鄭風亦特錄叔田清人也。

羔裘三章章四句

羔裘美大夫也

羔裘如濡。洵直且侯。彼其之子。舍命不渝。

如濡潤澤也侯美也其語助也舍廢渝變也言大夫能稱其服以命自處臨大節而亦不變也

羔裘豹飾。孔武有加。彼其之子。邦之司直。

飾緣袖也禮君用純臣下之故裘不純羔而飾以豹豹甚武而有力故服之者如之司直也

羔裘晏兮。三英粲兮。彼其之子。邦之彥兮。

晏鮮明也英當胸見美之飾大夫三命故三英也粲明貌彥士

之美稱

春秋時惟鄭大夫多長於才蓋其國小而介於兩大非優於才者固不能勝任也

遵大路二章章四句

遵大路冀齊成也首止之畢文公逃歸逾年而齊伐鄭

圍新城故國人冀以故好而許成也

遵大路兮。執子之祛兮。無我惡兮。不寯故也。

遵大路喻循正道也悔從楚之非而欲以從齊爲正也。執字也。子謂齊也。祛袂也。執袂示求成之切也。惡惡從楚也。寯連故舊也。言縱以我從楚爲可惡而故舊之情其恐以一背而遂遠絕

之乎

遠大路兮。慘執子之手兮。無我魏兮。不寔好也。

魏同醜。欲奔不以從楚而終醜之也。

鄭當南北之衝。圖伯者所必爭。而春秋特貶其從楚。詩與春秋相表裏於鄭風。尤著錄此詩。許悔過也。

女曰雞鳴三章章六句

女曰雞鳴。大夫責難於君也。設爲男女勤家之詞。

女曰雞鳴。士曰昧旦。子興視夜。明星有爛。將翔將翔。弋鳬與鴈。

昧晦旦明也。昧旦將明未明之時。明星啓明星也。爛明貌。弋以絲係矢射也。鳬水鳥。此喻君當夙興圖治。不可宴逸也。

弋言加之。與子宜之。宜言飲酒。與子偕老。琴瑟在御。莫不靜好。
加中也。宜調和也。此喻君主於上。而臣助於下。則底幾國可長
治。而四境無虞。鐘簋不至震驚也。

知子之來之。雜佩以贈之。知子之順之。雜佩以問之。知子之好之。
雜佩以報之。

來之致其來者。雜佩佩玉之類。贈當作貽。順從。問遺也。此喻事
大字小。善交四國也。

君人者必勵精圖治。方能保有其國。而鄭介兩大夫當春秋時。
強伯力爭。尤不可稍自暇逸。以國之偏小。而猶終春秋而未
亡。非獨其臣之多才。亦以其君皆無逸志也。

有女同車二章章六句

有女同車勸從齊也

有女同車。顏如舜華。將翱將翔。佩玉瓊琚。彼美孟姜。洵美且都。
女指齊而言。同車喻同盟也。舜木槿也。姜齊姓。都閒雅也。極言
其美。以見不可不從也。

有女同行。顏如舜英。將翱將翔。佩玉將將。彼美孟姜。德音不忘。
英猶華也。將將聲也。不忘不可忘也。

文公自首止逃盟之後。至盟于洮而始乞盟。然其臣之勸之
者固已屢矣。錄此詩與遷善也。

山有扶蘇二章章四句

山有扶蘇刺朝楚也

山有扶蘇。隰有荷華。不見于都。乃見狂且。

扶蘇扶胥小木也。荷華芙蓉也。子都閒雅之君子也。反聖曰狂。荆楚無王。不知禮義。故謂之狂也。山喻中國。扶蘇小木。喻伯主。見小木雖不足依。而猶木也。若荷之在水。其華雖豔。豈足恃乎。楚爲澤國。故以隰喻。

山有橋松。隰有游龍。不見子充。乃見狡童。

橋同喬。游游枝葉放縱也。龍紅古水草也。子充成德之君子也。狡童謂楚成王也。楚人性狡。而成王又以稚年在位也。喬松固無陰然游龍雖大。尤不可依也。以喻見狡童之非。

郢極卒而中國無伯文公於是始朝於楚然不知尊王而從
荆楚是下喬木而入幽谷也非特春秋所深貶亦當時人心
有公惡焉

摯分二章章四句

摯分勸從晉也

摯分摯分風其吹女叔分伯分倡予和女

摯木之槁皮葉也女指摯而言風吹摯落喻晉文繼齊伯而楚
將敗也叔伯謂鄭大夫也叔伯爲之倡而予即爲之和欲其相
率而從晉也

摯分摯分風其漂女叔分伯分倡予要女

漂同飄要成也

晉文繼伯而楚氛戢城濮之戰諸侯棄楚從晉故詩人喜中國之有伯而勸從晉也

狡童二章章四句

狡童絕楚也許靈公愬鄭於楚楚執鄭皇戌及子國悼公即絕楚而請成於晉也

彼狡童兮不與我言兮維予之故使我不能餐兮

子即狡童俱謂楚也言子不與我言遂使我不能餐乎

彼狡童兮不與我食兮維予之故使我不能息兮

鄭許之訟其曲在鄭然悼公因之棄楚即晉春秋所許也春

秋責大義而不責小曲故能絕楚則進冬

褰裳二章章五句

褰裳調楚也楚以重賂求鄭鄭入貳於楚也

子惠思我褰裳涉溱子不我思豈無他人狂童之狂也且

子謂楚也褰裳涉溱言楚當來求已也溱當作漣水本出今新

鄭縣已涸

子惠思我褰裳涉洧子不我思豈無他士狂童之狂也且

洧今出洧川縣陽城山

鄭介兩大視強弱爲向背其勢則然乃成公又以貪利貳楚以致召禍啟釁則非義甚矣

丰四章二章章三句二章章四句

丰冀從晉也。悔前失而又爲之勸也。

子之丰兮。俟我乎巷兮。悔予不送兮。

子謂晉也。丰容色好也。晉謀鄭而鄭不從。故悔其俟而不送也。

子之昌兮。俟我乎堂兮。悔予不將兮。

昌盛將迎也。

衣錦裝衣。裳錦裝裳。叔兮伯兮。駕予與行。

錦衣裳而加裝。喻備禮以事人也。叔伯謂鄭大夫也。

裳錦裝裳。衣錦裝衣。叔兮伯兮。駕予與歸。

云歸以婦事夫。喻事大也。

晉楚之伯視鄭之向背爲強弱晉強則能攘楚故鄭以從晉爲從義

東門之墠二章章四句

東門之墠責晉不圖鄭也

東門之墠茹蕙在阪其室則邇其人甚遠

東門晉東門也晉在鄭西望走於晉必自東門也墠除地町町者茹蕙茅蒐也一名茜可以染絳晉都曰絳茹蕙晉產故以爲喻阪者曰阪

東門之栗有踐家室豈不爾思子不我即

栗亦晉產也踐列也家室謂晉大夫也即就也

鄭思晉而晉不圖則責在晉矣

風雨三章章四句

風雨喜與晉成也

風雨淒淒。雞鳴喈喈。既見君子。云胡不夷。

淒淒聲寒索也。喈喈爭鳴聲。喻國家將亂。驚擾之象。君子謂晉侯也。夷平也。

風雨瀟瀟。雞鳴膠膠。既見君子。云胡不瘳。

瀟瀟猶淒淒也。膠膠相聞也。瘳疾愈也。

風雨如晦。雞鳴不已。既見君子。云胡不喜。

晦昏已止也。

風雨交迫羣雞亂啼則國有危亡之兆此正晉楚爭鄭無所適從時矣與晉成而得息肩其諸晉悼復伯僖公即位之初乎云既見已朝晉而蒞成也

子衿三章章四句

子衿刺學校失教也

青青子衿悠悠我心縱我不往子寧不嗣音

子學中之士衿領也往往教也嗣音繼前人之聲問也

青青子佩悠悠我思縱我不往子寧不來

佩佩玉也來來學也

挑兮達兮在城闕兮一日不見如三月兮

挑說文作𡗗俗𡗗字𡗗从又持中中三歧匕所以舉物挑達謂
興賢能使上達也城闕建學之處不見者有司失教也

學校廢則士習壞不往者上不教也不來者下不學也末章
則思昔而慨今也

揚之水二章章六句

揚之水傷晉伯衰也晉不能禦楚以致失鄭而又遷怒
於鄭故作此詩

揚之水不流束楚終鮮兄弟維予與女無信人之言人實廷女
以水之揚喻晉之弱木流束楚喻不能制楚與王風揚之水首
二句同意兄弟晉與鄭爲同姓也廷同誑

揚之水不流束薪。終鮮兄弟。維予二人。無信人之言。人實不信。

傷晉伯之衰。則知從楚。雖足爲鄭罪。而亦非鄭之願也。

出其東門二章章六句

出其東門。決志從晉也。

出其東門。有女如雲。雖則如雲。匪我思存。縞衣綦巾。聊樂我員。

此鄭東門也。如雲。美且衆也。縞。白色。綦。蒼灰色。縞衣綦巾。儉者之服。蓋唐魏之所尚也。員。旋也。言樂與周旋也。

出其閨闥。有女如荼。雖則如荼。匪我思且。縞衣茹蘆。聊可與娛。

閨。曲城闔。城臺也。荼。茅花。輕白可愛。且古徂字。往也。綦。縞茹蘆。皆喻晉也。

此與前篇皆因晉悼與楚爭鄭而作至此則楚不能勝晉而鄭亦決志從晉矣

野有蔓草二章章六句

野有蔓草喜從晉也

野有蔓草。零露漙漙。有美一人。清揚婉兮。邂逅相遇。適我願兮。
蔓延也。漙露多也。蔓草無依。鄭自喻也。露漙則生意盛矣。喻從晉而國安也。一人。謂晉悼公也。清揚婉。三者皆極形其美也。邂逅。草次不期也。遇。偶值也。適。猶遂也。言從晉固鄭之素志。而今始遂也。

野有蔓草。零露漙漙。有美一人。婉如清揚。邂逅相遇。與子偕臧。

濃濃亦露多貌。與子偕臧。非特鄭安。即晉亦伯業成而無事也。前魚之會。諸侯不盟而信。而鄭之從晉者五十年。故曰邂逅相遇。與子偕臧。

鄭據虎牢之險。扼南北之衝。天下之至要也。然從楚則中夏日壞。而鄭亦不寧。從齊晉則鄭安。而天下舉安。故鄭詩於輔伯爲詳。而輔伯又終於與子偕臧也。

漆洧二章章十二句

漆洧刺風淫也

漆與洧。方渙渙兮。士與女。方秉蘭兮。女曰觀乎。士曰既且。且往觀乎。洧之外。洵訏且樂。維士與女。伊其相謔。贈之以勺藥。

渙渙水盛貌。蘭蘭也。觀遊玩也。上且古但字。且往。女又勸士姑往也。訐大也。伊發語辭。勺樂將離也。觀則相譖別則贈勺極情意之綢繆也。

溱與洧。瀏其清矣。士與女。殷其盈矣。女曰觀乎。士曰既且。且往觀乎。洧之外。洵訐且樂。維士與女。伊其將譖。贈之以勺樂。

瀏清貌。殷盛也。男女雜還觀遊成俗也。

鄭之建國。既不惜館。樂以招賢。而其地又居天下之要。爲強大所必爭。凡其送往迎來。四方輻輳。尤善於事大之法。於是溱洧之間。聲色淫豔。申於天下。而其國亦相習成風。雖君臣賓主之交。凡所以將其禮意者。無不以男女爲好之辭出之。

此其聲所以淫而其樂不可登於正歌也故鄭風殿以溱洧
鄭二十一篇五十三章二百八十九句

鄭於東周之初乘亂新造國小而偁其所以能久存者
惟恃善於事大然詩與其從齊晉而絕其從楚則春秋
之義著矣若其詩聲過於媒昵則以鄭之事大委婉周
抑殆如嬖女之求悅於人也縱行之不失其正能不爲
衰世之音乎

齊一之八

齊國今山東青州府臨淄縣太公初封營邱今青州府昌
樂縣世爲東州大侯以齊繼鄭者鄭莊公爲王卿士而天

下諸侯相率無王僭公於是乎小伯至于桓公而遂創伯也

雞鳴三章章四句

雞鳴賢夫人勸君早朝也

雞既鳴矣。朝既盈矣。匪雞則鳴。蒼蠅之聲。

雞已鳴則昧且矣。朝已盈則辨色矣。則急語辭非但雞鳴而蠅亦有聲則向晨矣

東方明矣。朝既昌矣。匪東方則明。月出之光。

東方明日將出而一方先明也。昌班位已肅朝儀盛也。月當作日。傳寫之訛非但東方明乃日已出而光天下則君當視朝也。

蟲飛薨薨。甘與子同夢。會且歸矣。無底子子惜。

蟲飛有聲。將曉時也。向曉之時。人每倦而甘寢。故云甘與同夢。然甘夢則會於朝者。必以俟君不出而歸。是君以予之故而使人惜君也。故以無底譬之。無底底無也。

此蓋僖公所以小伯。而其後因之強大之由。故首之。

還三章章四句

還刺襄公荒於田也。

子之還兮。遭我乎徂之閒兮。並驅從兩肩兮。揖我謂我儂兮。

子指襄公也。還環山而田也。徂山名。獸三歲曰肩。儂便利也。

子之伐兮。遭我乎徂之道兮。並驅從兩牡兮。揖我謂我好兮。

改美也

子之昌兮。遭我乎狝之陽兮。並驅從兩狼兮。揖我謂我臧兮。

山南曰陽狼牡雅

襄公好畋。故好獵者至。而後因以成俗。自此以下皆著襄公以無道被弑而啟桓公也。

著三章章三句

著刺襄公不親迎也。爲王姬之言。

俟我於著乎。而充耳以素乎。而尚之以瓊華乎。而

俟。待也。我指王姬也。著門屏之間。人君佇立之處。素以纁爲純之色。禮天子純備五色。諸侯三。故下二章又言青黃也。瓊華美

玉如華即充耳也。手而性異之亦語助也。王姬來歸。襄公不親迎。止俟之。著庭之際。無王之甚者也。

俟我於庭乎。而充耳以青乎。而尚之以瓊瑩乎。而庭在著之內。堂之下。瑩色明澈也。

俟我於堂乎。而充耳以黃乎。而尚之以瓊英乎。而堂堂下也。英猶華也。

此與召南何彼穠矣篇相發明。

東方之日二章章五句

東方之日刺襄公荒於內也

東方之日兮。彼姝者子。在我室兮。在我室兮。履我即兮。

日喻君也。彼姝者子，謂襄公也。齊爲東州大侯，固東方小國之主也。乃襄公不外脩其政，而惟日在內寵之室，而履其所，即則失君人之義矣。

東方之月兮。彼姝者子，在我閨兮。在我閨兮。履我發兮。月，喻諸侯也。言日又言月，晝夜皆居內也。閨，深室小門也。發，發足也。

東方未明三章章四句

東方未明，刺襄公政令乖也。

東方未明，顛倒衣裳。顛之倒之，自公召之。

東方未明，非當召令時也。顛倒者，召令卒遽，不暇詳審也。

東方未晞。顛倒裳衣。倒之顛之。自公令之。

晞同音微光也。

折柳樊園。狂夫瞿瞿。不能辰夜。不夙則莫。

柳杞柳也。樊藩也。園菜園也。狂夫竊據之徒也。瞿瞿驚顧貌。辰時也。言治國者折柳藩之。而狂夫自去。猶治國者政令明簡。而人自不踰閑也。何乃不能辰夜而不夙則莫乎。傳曰。襄公立無常是也。

南山四章章六句

南山刺襄公外亂暴刺魯桓公不能閑家也。

南山崔崔。雄狐綏綏。魯道有蕩。齊子由歸。既曰歸止。曷又懷止。

崔崔高貌。綏綏淫貌。山高喻君位之尊。狐淫喻襄公之亂行也。魯道適魯之道也。魯國今山東兗州府曲阜縣蕩平也。齊子襄公女兄。魯桓公夫人。文姜。襄公通焉者也。止。語辭。設爲曷又以問之。正深於斥言也。

葛屨五兩。冠綏雙止。魯道有蕩。齊子庸止。既曰庸止。曷又從止。

葛屨。夏屨也。有縹黃白黑散五等。故云五兩。綏。冠纓飾也。屨必兩。綏必雙。物各有偶。喻如冠履上下之辨。不可亂也。庸。用也。用此道以歸也。從。襄公從文姜也。如。享祝丘會防是也。

葛麻如之何。衛從其政。取妻如之何。必告父母。既曰告止。曷又鞠止。

莖樹也。麻穀名。雖草類而強梗似木。喻文姜之不安婦順也。衡從者閑之以正也。告父母謂告廟也。鞠窮也。窮其欲也。

析薪如之何。匪斧不克。取妻如之何。匪媒不得。既曰得止。曷又極止。

木不成材而後爲薪。喻文姜之不貞也。析乃治薪之要。斧克以剛克也。喻魯桓當以剛斷之德。閑文姜也。極亦窮也。言魯桓既行媒以娶而又縱之淫亂不可解也。

按春秋及傳魯桓公與文姜如齊襄公通焉。此詩本刺襄公亂於女兄而兼及魯桓正本也。

甫田三章章四句

甫田刺襄公也

無田甫田。維秀騶騶。無思遠人。勞心忉忉。

田。耕治也。甫田。大田也。秀。害苗之草。騶騶。張王也。忉忉。勞心貌。
田甫田。思遠人。如助鄭突納衛朔遷紀邑之類。秀騶騶。心忉忉。
則無知之禍。生於蕭牆矣。故爲之戒。

無田甫田。維秀桀桀。無思遠人。勞心怛怛。

桀桀。猶騶騶。怛怛。猶忉忉也。

婉兮孌兮。總角卅兮。未幾見兮。突而弁兮。

婉孌。童年少好貌。卅。兩角貌。謂襄公以童子嗣侯時也。弁。朝服。
言其未幾年長而冠。當責成人也。突者。大行出宮。突然而見。無

威儀也。弁而無儀，則不似人君。不終兆矣。

盧令三章章二句

盧令刺襄公好狗也

盧令令其人美且仁

盧由犬也。令，令犬領下環聲。其人，掌犬之人也。仁，愛犬也。

盧重環其人美且鬣

重環，子母環也。鬣，鬚鬣好貌。

盧重鋲其人美且偲

重鋲，二環貫二也。偲，多鬚貌。

一犬之備物如此，則其荒可知。其人蓋即石之紛如孟陽之

屬適足以救其君而已矣

敝筍三章章四句

敝筍刺魯莊公不能閑其母文姜也。雖刺魯莊而襄公之惡尤甚焉。

敝筍在梁。其魚魴鰈。齊子歸止。其從如雲。

魴魚味美。鰈則似魴而大。魚之不美者。故名魴鰈。魚本陰類。而鰈無正偶。故以喻文姜也。筍敝而無閑。猶文姜之無忌而肆行也。如雲如雲之集也。

敝筍在梁。其魚魴鰈。齊子歸止。其從如雨。

鰈亦魚之不美者。亦似魴而厚大。故名魴鰈。如雨如雨之至也。

敝筭在梁。其魚唯唯。齊子歸止。其從如水。

唯唯魚張口搖尾遊戲自得貌如水如水之流也

以下三詩附詳魯所由衰也東方大侯魯與齊敵魯衰而齊
伯矣

載驅四章章四句

載驅刺魯文姜也

載驅薄薄。簞第朱鄣。魯道有蕩。齊子發夕。

薄薄疾驅聲。簞第以方文竹席爲車蔽也。朱鄣以朱漆革車之飾也。此本革路之屬。諸侯即戎之輕車。非君夫人所乘也。而文姜以之發魯而夕於齊。則其肆淫無忌甚矣。

四驥濟濟。垂轡滿滿。魯道有蕩。齊子豈弟。

四驥四馬相親附也。濟濟美貌。滿滿柔貌。豈樂也。弟謂襄公也。兄弟相樂。本爲令德。然以女兄而樂於弟。則無羞惡之心。案此微辭也。

汶水湯湯。行人彭彭。魯道有蕩。齊子翱翔。

汶水在齊南。魯北。湯湯盛貌。彭彭多貌。

汶水滔滔。行人儻儻。魯道有蕩。齊子遊敖。

滔滔流貌。儻儻行貌。遊敖猶翱翔也。

詩無魯風。而此詩及南山篇。獨舉魯道何也。蓋以傷魯之衰。由於姜氏之淫亂也。夫魯本同姓大侯。周室西都。樹之以鎮。

撫大東者然自周公至武公娶於薛孝惠隱娶於宋則齊雖
鄰近世非甥舅也自魯軌以篡弑竊國結援於齊遂致文良
二姜繼世淫亂以亡其國迨魯倍復國而役屬齊晉夷於小
侯此與平王東遷併於列國何以異哉故魯道有蕩齊子云
云猶之赫赫宗周褒姒威之之厲也三百篇中六言周道傷
王迹之熄也周時王也六言魯道傷侯度之廢也魯宗國也
然周魯雖衰猶有先王不可離之遺風焉若他國雖強皆乘
權雜伯而已聖人之情不於茲可見哉

猗嗟三章章六句

猗嗟齊人美魯莊公也魯莊從文姜之命必求襄公之

女哀姜爲夫人。至親爲納幣。觀社。齊人作此詩以許之。
而不知其娶仇女也。

猗嗟昌兮。頤而長兮。抑若揚兮。美目揚兮。巧趨踰兮。射則臧兮。
猗嗟歎兮。辭抑若揚者。或抑或揚。動有儀也。揚目美貌。踰趨翼
如也。

猗嗟名兮。美目清兮。儀既成兮。終日射侯。不出正兮。展我甥兮。
名猶聞望也。儀既成。終事無違禮也。畫布曰平。侯之的也。壻謂
之甥。

猗嗟嫺兮。清揚婉兮。舞則選兮。射則貫兮。四矢反兮。以禦亂兮。
選。與順中節也。貫。貫革也。反復也。言有常處也。四矢反。即射容。

之并儀也。禦亂承矢反而言言以禦亂有餘也。

讀此詩而益知聖人之有慨乎魯也。夫以莊公之才修魯公孝公之政。即王室不可復興。而東周尚可爲也。乃忘仇肆侮。使哀姜繼淫亂國。於是曲阜七百里之封。非不昌而遂衰矣。東禮之望國。非無名而自茲弱矣。以可以禦亂之資。而竟爲亂階矣。篇名猗嗟。猶大雅有瞻卬也。深傷之也。

齊十一篇三十四章百四十三句

齊風次鄭本以著伯功之創也。夫桓公之伯。其無王也。必有刺其尊王也。豈無褒乃詩中但臚列襄公之荒。而不及桓公之事。何也。嚴黜伯功也。若末綴敝筭三篇。則

見齊魯兩大。有相爲消長之機。而魯爲齊弱。又魯莊爲之也。

魏一之九

魏國今山西解州直隸州。文王之子畢公之後封侯其地。至春秋時爲晉獻公所滅。先魏於唐。著魏之并於晉也。晉以兼并多國。地大而強。遂伯諸侯。詩不勝錄。以魏該其餘耳。

葛屨二章一章六句一章五句

葛屨刺褊也

糾糾葛屨。可以履霜。慘慘女子。可以縫裳。要之袪之。好人服之。

糾糾繚戾寒涼之意夏葛屨冬皮屨摻摻猶纖纖也玄婦未廟見之稱禮娶婦三月廟見然後執婦功要裳要褱衣領言縫裳不已又及要褱也好人猶美人妹子也

好人提提宛然左辟佩其象揄維是褊心是以爲刺
提提安舒也宛婉也善讓貌讓而避者必左佩揄亦容之善也褊狹窄也

凡物必有制度故責於節然節之過者必儉儉之過者又必至於褊褊則居上不寬何以爲治致亡之道也

汾沮洳三章章六句

汾沮洳刺無度也

彼汾沮洳言采其莫。彼其之子。美無度。美無度。殊異乎公路。
汾水出今山西太原府晉陽山。一名管涔山。沮洳地卑水濕言
土瘠也。莫菜名。美容儀美也。無度。儉嗇失其常度也。公路掌公
之路車。公族親貴之官也。

彼汾一方。言采其桑。彼其之子。美如玉。美如玉。殊異乎公行。
一方言小也。公行掌公車之行列。蓋我路之屬也。

彼汾一曲。言采其蔣。彼其之子。美如玉。美如玉。殊異乎公族。
一曲言不廣也。蔣牛脣水鳥也。公族公之同姓掌之者。皆公子
弟也。

禍根於心。無度見於事。好人之子。類皆貴戚用事之人。而纖

昔是務必無遠慮矣。況其國之土瘠民貧乎。

園有桃二章章十二句

園有桃賢士憂國也

園有桃。其實之斂。心之憂矣。我歌且謠。不知我者。謂我士也。驕。彼人是哉。子曰何其。心之憂矣。其誰知之。其誰知之。蓋亦勿思。

斂折俎之因。桃本果食而珍之。如斂則膏甚矣。合曲曰歌。徒歌曰謠。皆以寓憂也。驕者出位而閒。國是嫺縱恣也。蓋所歌謠皆譏切時事故也。彼人謂在上位者是國是也。言行之即是也。子曰何其猶云又何閒也。誰知勿思言所憂者深而人之不知。固由於弗思也。

國有棘其實之食心之憂矣。卿以行國不知我者謂我士也。罔極彼人是哉。子曰何其心之憂矣。其誰知之。其誰知之。蓋亦勿思。

棘小棗實亦可食。然珍之如穀食則亦吝矣。行國雖以爲憂。尚冀當國者之知非而或改也。罔極者卑賤之人私爲清議疑其覲覲富貴無窮極也。

國之將亡當局者不知而旁觀者知之。在上之人使桃棘無餘利則澤竭而民散矣。

陟岵三章章六句

陟岵久役思親也

陟彼岵兮瞻望父兮。父曰嗟予子行役夙夜無已。上慎旃哉猶來。

無止

山多草木曰嵒。父曰以下惠親之思已也。無已勞不息也。上同。尚慎者持身之要道。久役猶來而能不止於外。惟慎可幾也。

陟彼嵒兮。瞻望母兮。母曰嗟予季行役。夙夜無寐。上慎旃哉。猶來無棄。

山無草木曰嵒。季幼子也。無寐不暇寐也。棄猶止也。

陟彼岡兮。瞻望兄兮。兄曰嗟予弟行役。夙夜必偕。上慎旃哉。猶來無死。

必偕戒與共役者和。喪母專獨也。

忠臣孝子久役不息。至於死生不能自保。則國政之紊可知。

然止切思親之念而絕無慰上之辭厚之至也

十畝之閒二章章三句

十畝之閒賢人見國政日非相率遠去也

十畝之閒分桑者閑閑分行與子還分

周制州黨之民一夫有士田百畝宅田十畝士田以養宅田以桑閑閑弛暇也蠶眠食急惟恐後時桑之事與農等今乃閑閑若無事者然則蠶事廢矣喻當國者偷安苟暇不以國爲事也還歸田不出也

十畝之外分桑者泄泄分行與子逝分

言外者見比戶皆然喻在位者人人如是也泄泄怠緩貌逝惟

離其難遠適異國也

陟岵見民之勞十畝見政之怠國不可爲矣

伐檀三章章九句

伐檀刺尸位也

坎坎伐檀兮。寘之河之干兮。河水清且漣漪。不稼不穡。胡取禾三
百廩兮。不狩不獵。胡瞻爾庭有縣貍兮。彼君子兮。不素餐兮。

坎坎用力聲。干水涯也。漣風行水文也。狩美也。檀爲車軸。本以
行陸間。置河干則水雖清而檀徒伐矣。喻不用賢也。民居一畝
曰廩。三百廩三百畝之田。夫三爲屋也。周制田不耕者出屋粟。
所以懲惰農也。稼種穡斂也。既不稼必不穡。則禾於胡取哉。喻

不務農也。古者時田習武以禦外侮而兼以獲禽充三品之用。若武備弛而不狩則遂不獵。雖欲懸貍於庭其能有乎。獐貉類喻不講武也。君子有德位之通稱。謂君上也。不用賢則國虛。不務農則國貧。不講武則國弱。是素餐也。而國之滅亡無日矣。坎坎伐輻兮。寘之河之側兮。河水清且直猗。不稼不穡。胡取禾三百億兮。不狩不獵。胡瞻爾庭有縣特兮。彼君子兮。不素食兮。輻車輻也。直波文直也。十萬曰億。畝禾數也。獸三歲曰特。坎坎伐輪兮。寘之河之漘兮。河水清且淪猗。不稼不穡。胡取禾三百困兮。不狩不獵。胡瞻爾庭有縣鵲兮。彼君子兮。不素食兮。輪車輪也。淪小風動水上如輪轉也。困圓倉也。夕食曰飧。

碩鼠三章章八句

碩鼠刺貪也

碩鼠碩鼠。無食我黍。三歲貫女。莫我肯顧。逝將去女。適彼樂土。樂土樂土。爰得我所。

碩大也。鼠喻小人之貪。言碩則謂君相矣。三歲言久也。肯顧念也。莫顧則在位皆捨克矣。

碩鼠碩鼠。無食我麥。三歲貫女。莫我肯德。逝將去女。適彼樂國。樂國樂國。爰得我直。

直直道也。

碩鼠碩鼠。無食我苗。三歲貫女。莫我肯勞。逝將去女。適彼樂郊。樂

郊樂郊。誰之永號。

永號長呼也。言他適者。又於誰而長號。以愬其困苦乎。

民情至此。則已如在水火。有來伐者。無不簞食壺漿以迎之矣。此晉之所以得肆其兼并也。

魏七篇十八章百二十八句

魏之先唐與邶鄘先衛異。邶鄘本衛地。故其詩皆衛事。魏固先王所封。與晉同列。詩在唐前者。見其致滅之由。而晉得以大耳。故其詩七篇皆列必亡之兆。

唐一之十

唐國今太原府。成王以封弟叔虞。爲唐侯。至子燮。又改國。

號曰晉今謂之唐仍舊名也

蟋蟀三章章八句

蟋蟀憂深思遠也

蟋蟀在堂。歲事其莫。今我不樂。日月其除。無已大康。職思其居。好樂無荒。良士瞿瞿。

蟋蟀促織也。歲漸寒則依堂宇。事遂除去也。無已不止也。大康極樂也。職主也。居現在所居之位。言不樂則歲固易去。然樂不已而極亦不可也。當就所居而思以盡分內之事。則庶幾好樂而不至於荒乎。此良士之視所以瞿瞿而不敢自安也。

蟋蟀在堂。歲事其逝。今我不樂。日月其邁。無已大康。職思其外。好

樂無荒。良士蹶蹶。

適亦去也。外非出位也。人無遠慮。必有近憂。思其外。正以安其居也。蹶蹶行之。惟恐不及也。

蟋蟀在堂。役車其休。今我不樂。日月其慆。無已大康。職思其憂。好樂無荒。良士休休。

庶人樂役。車歲晚則百工休。故事休也。慆過也。憂者意外之樂。思則知所豫防。而可免於憂也。休休安閒貌。思極於憂。則休休也。

極思至此。則必不自暇逸矣。宜其後之辟疆成伯也。當春秋之前。其諸穆侯。文侯。有功於宣平之朝者歟。

山有樞三章章八句

山有樞刺昭侯也傷其素勝孱弱將爲沃井也

山有樞。樞有榆。子有衣裳。弗曳弗婁。子有車馬。弗馳弗驅。究其死矣。他人是愉。

樞蓋也。即刺榆也。愉。白粉也。歷舉山樞所有。言強於政治。國未嘗無材也。曳。衣下垂貌。婁。裳重衣下也。究。坐見也。愉。樂也。他人即指桓叔。不忍斥言。隱傷之也。

山有樞。樞有柎。子有庭內。弗洒弗埽。子有鐘鼓。弗鼓弗考。究其死矣。他人是保。

樞。山樞。柎。榭也。廷。朝會之處。弗洒埽。不整飭也。保。居有也。

山有漆。隰有栗。子有酒食。何不日鼓瑟。且以喜樂。且以永日。宛其死矣。他人入室。

曰入室則并晉必矣

禮諸侯立家。文侯封弟成師。以沃正也。至昭侯不能自強。而使晉貳於沃。則侯自貽之戚。此篇特著晉爲沃并之由。

揚之水三章二章章六句一章四句

揚之水國人叛晉歸沃也

揚之水白石鑿鑿。素衣朱襮。從子于沃。既見君子。云何不樂。

鑿鑿。峴巖貌。水揚喻晉弱。右鑿喻沃強也。衣中衣也。襮領也。素衣朱襮。諸侯之服。繡黼領而丹朱純也。子指桓叔也。從以其服。

從之也。沃，曲沃也。今山西平陽府聞喜縣。君子美桓叔有君德也。

揚之水。白石皓皓。素衣朱繡。從子于鵠。既見君子。云何其憂。皓皓言其強之著也。繡，鎖之繡也。鵠亦沃邑。

揚之水。白石粼粼。我聞有命。不敢以告人。

粼粼，薦厲貌。喻其強不可犯也。命，命伐晉也。不敢告人，畏沃強而不敢洩也。

沃以強支無故滅本而民即從之。其由立國素無禮義之教故歟。

椒聊二章章六句

椒聊沃日益強也

椒聊之實蕃衍盈升。彼其之子碩大無朋。椒聊且遠條且。

椒木名。聊菜也。即其花也。凡草木皆先花後實。惟椒則實含於花。花開而實先去。故名其花爲聊。以其實之暫留而別異之也。朋比也。椒聊實蕃而條遠。言椒且如此。而況國乎。即滋蔓難圖之意。

椒聊之實蕃衍盈升。彼其之子碩大且篤。椒聊且遠條且。兩手曰勑。篤厚也。

沃之有晉。揚水舉其始。椒聊舉其終。彼其之子益謂武公也。

綢繆三章章六句

綱繆君臣喜遇合也

綱繆東新三星在天。今夕何夕。見此良人。子兮子兮。如此良人何。
綱繆東縛周密也。三星心宿也。心爲明堂主。布政在天。天象以
心之見伏爲火之出納。夫之政也。新爲材木。喻臣工也。綱繆東
新謂整飭官方也。三星在天。猶天之布政以時也。良人喻君也。
臣之事君猶婦事夫也。今夕何夕。喻相見恨晚也。子臣自謂也。
如此良人何。喜得賢君而不知何以事之也。

綱繆東。習三星在隅。今夕何夕。見此邂逅。子兮子兮。如此邂逅何。
易車也。喻民庶也。綱繆東。易是齊以政刑也。隅東南隅也。心始
出在東南隅。邂逅君臣不期而遇。傾蓋如故也。蓋如後世漢光

武帝與馬新息馬子君臣相謂也

綢繆東楚三星在戶。今夕何夕。見此桀者。子兮子兮。如此桀者何。楚喻張梗也。戶在室西南隅。心下流則在西南隅也。桀矣。亦喻賢臣也。子君自謂也。如此桀者何。喜之至而不知何以禮之也。武獻乘王室之衰并晉而兼多國。其雄才大略延攬英豪固。有非尋常世主之所能及者。讀此詩亦可以知其崛起之桀矣。

秋杜二章章九句

秋杜刺剪公族也

有秋之杜。其葉湑湑。獨行踽踽。豈無他人。不如我同父。嗟行之人。

胡不比焉。人無兄弟。胡不伙焉。

杜特也。杜亦棠滑滑。盛貌。蹢蹢無所親也。比附伙助也。言特生之杜猶有盛業以輔之。若人棄其兄弟。豈不獨行蹢蹢乎。夫其蹢蹢也。豈無他人。直以他人俱不同父者耳。使他人可如兄弟。則行道之人。何不可比。而凡無兄弟者。何不可伙乎。極言他人之不親。所以深刺剪公族之無親也。

有杜之杜。其葉菁菁。獨行翼翼。豈無他人。不如我同姓。嗟行之人。胡不比焉。人無兄弟。胡不伙焉。

菁菁猶滑滑。翼翼猶蹢蹢也。

周道親親。而晉之興也。鑒於桓叔。遂惡桓莊之族。偏而盡殺。

羣公子驪姬之亂又詛畜羣公子由是晉雖強而其後分於三家矣立國不可不慎此詩垂戒不尤炳歟

羔裘二章章四句

羔裘朱子曰此詩不知所謂今亦姑闕疑焉

羔裘豹祛自我人居居豈無他人維予之故

羔裘豹祛大夫服也次句未詳下章同子蓋謂天子也

羔裘豹褻自我人究究豈無他人維予之好

按此詩章止四句而次句非特居居究究亡其義即自我人三字亦難詰訓然按末二句豈無之文統前篇與下無衣篇合參似武公地雖強大而無王命使爲諸侯故尚守大夫之

服而不能不有求於周也。但次句終不可曲爲之說。

鵲羽三章章七句

鵲羽民怨武公使勞王事而不以義也

肅肅鵲羽。集于苞栩。王事靡盬。不能藝稷黍。父母何怙。悠悠蒼天。曷其有所。

肅肅羽不定聲。鵲鳥無復趾性不集樹。苞叢生也。栩柞櫟也。鵲集於樹旁而不安。猶人從王事而不能養父母也。盬不堅緻也。既爲王事。木可以不堅緻。故曰靡盬。當春秋之初。王室卑微。其事豈能堅緻。乃從事不已。失其農時。父母已無怙矣。故呼天而訴其無所也。所者安處之地。

肅肅鵠翼。集于苞棘。王事靡盬。不能藝黍稷。父母何食。悠悠蒼天。曷其有極。

肅肅鵠行。集于苞桑。王事靡盬。不能藝稻粱。父母何嘗。悠悠蒼天。曷其有常。

行鵠也。稻大米。梁小米。常常度也。

周室之東。天下無王久矣。而此詩特言王事靡盬。豈武公獨能乃心王室哉。直以并晉之後。未列諸侯。不得不委婉從王。以求王命而已。乃至使民不循常度。而致民怨歸。王已邀其利。則所云王事靡盬者。固奸雄竊命之深謀。而非臣子事君之篤志也。若乃事又無極。無常。則王室之多故。亦於斯可見。

耳

無衣二章章三句

無衣喜王錫命也

豈曰無衣七兮不如子之衣安且吉兮

侯伯七命其衣以七爲節子謂王也安且吉者非王命而惜衣之則人得討也

豈曰無衣六兮不如子之衣安且煖兮

天子之卿六命又言六者上可養下且或入兼王官也煖煖也言其可以久也

武公承桓莊之烈并晉而篡其位其罪固不容誅然讀上篇

羽之詩則當僖王衰弱未必無翊獎之勞僖王之命爲諸侯
蓋亦有情勢所不能已者而非僅貪其重賂也然名器不可
假人武公當討而命則典刑愈紊而王室愈卑矣

有杖之杜二章章六句

有杖之杜急求賢也

有杖之杜。生于道左。彼君子兮。嗟肯適我。中心好之。曷飲食之。

杖杜喻爲君之孤。獨生道左。又難於生植也。彼君子謂他國之
賢也。嗟遠也。夫爲君孤獨。非賢無以自輔。然他國之賢。不能強
其必至。當及其肯來而誠心以好之。至好之。而又不知何以養
之。則好之至矣。

有秋之杜。生于道周。彼君子兮。唯肯來遊。中心好之。曷飲食之。
周曲也。大道之曲。生植尤危也。

晉之於賢。有綢繆之相遇。有秋杜之爲好。其繼世久伯也。宜哉。

葛生五章章四句

葛生悼亡也

葛生蒙楚。藋蔓于野。予美亡此。誰與獨處。

藋草名。予美指嬖妾而言。蓋卽獻公謂驪姬也。死者旣葬曰亡。此藋葛蒙蔓之地也。誰與者。因予美亡而已。無誰可與也。無與則獨處矣。

萬生蒙棘。蔽蔓于域。于美亡此。誰與獨息。

域塋也。息入內宴息也。

角枕粲兮。錦衾爛兮。于美亡此。誰與獨旦。

角枕錦衾。君夫人斂時之飾。粲爛鮮明貌。

夏之日。冬之夜。百歲之後。歸于其居。

夏日永。冬夜永。無與之人。其獨爲尤甚也。居亦塋也。惟期百歲後亦死而同歸其居。滿於嬖之至也。

冬之夜。夏之日。百歲之後。歸于其室。

室猶居也。

以下二篇著獻公惑於驪姬以致亂而啟文公之伯也。夫以

嬖妾之亡而思念猶如此之切。則生前之溺幸無所不至矣。
以亡該存簡而要也。

采苓三章章八句

采苓刺獻公聽讒致亂也

采苓采苓。首陽之巔。人之爲言。苟亦無信。舍旃舍旃。苟亦無然。人
之爲言。胡得焉。

首陽首山之南也。巔山頂也。爲造也。苓本隱草而采之山巔必
無之事也。人即造爲是言其可信乎。旃之也。再言舍旃明其言
之不可用也。能不用則必先不以爲然矣。聽者不以爲然則人
雖言之其能有得乎。

采苦采苦。首陽之下。人之爲言。苟亦無與。舍旃舍旃。苟亦無然。人之爲言。胡得焉。

苦苦菜也。與葑亦俱非山菜。與許也。

采葑采葑。首陽之東。人之爲言。苟亦無從。舍旃舍旃。苟亦無然。人之爲言。胡得焉。

浸潤之言。變亂黑白。必先近理。若理所必無。而亦聽之。則非溺惑偏愛者。不能也。驪姬之譖申生。殺而重耳夷吾。出其言。豈必衷於理乎。

唐十二篇三十三章二百三句

魏唐次齊繼齊伯者。晉也不錄。文公以後之詩。亦嚴黜。

伯功也

秦一之十一

秦國今甘肅秦州直隸州。初伯益之後非子事孝王而封之秦谷。爵以附庸。至五世孫襄公。當平王東遷。進爵爲伯。至子文公。遂去戎人。遂盡有西周之地。以秦繼唐者。繼晉文公而爭伯者。穆公也。自穆公伯西戎。而西周遂變爲秦。文武之政。不可復望矣。

車鄰三章一章四句二章章六句

車鄰刺朝見無儀也

有車鄰鄰。有馬白顙。未見君子。寺人之令。

鄰鄰如鄰之比。非一車也。白顛的盧也。君子謂秦君也。寺人奄人也。令君命也。襄公始爲諸侯富於車馬。其臣入見者未見君而先有奄人奉君命而引之以入也。

阪有漆。隰有杲。既見君子。並坐鼓瑟。今者不樂。逝者其耄。

並坐。示親暱也。年八十曰耄。言人易老以相慰也。

阪有桑。隰有楊。既見君子。並坐鼓簧。今者不樂。逝者其亡。

周官冢宰內宰以大臣領六官之職。而寺人止掌后夫人之陰令。不預外事也。若王之左右。即綴衣虎賁。固非士人。故王於諸侯羣臣庶民之復逆。則大僕小臣御僕掌其儀。雖在路寢朝。則君位戶牖之間。燕則君席阼階之上。君臣賓主之交。

情雖殷而分則秩。此禮教之隆。周室雖卑而祚猶綿於八百也。今秦之開國。因周故都。盡棄其禮。寺人主令。則國無人。君臣並坐。則朝無辨矣。而且不鼓瑟而歌。則大雅之嘆。豈尚有乞言旅語之遺意乎。有錄此詩。而其亂於商鞅亡於趙高。已爲之兆矣。

駟職三章章四句

駟職刺田遊無儀也

駟職孔阜。六轡在手。公之媚子。從公子狩。

駟。駟乘也。職。馬色如鐵也。阜。大也。六轡者。兩服兩駟各兩轡而駟馬內兩轡納之於軾。故惟六轡在手也。媚子。使嬖也。

奉時辰牡。辰牡孔碩。公曰左之。舍拔則獲。

時晨辰時也。辰牡者冬獻狼夏獻麋春秋獻鹿豕之類奉之者翼以待射也。曰左者命御使左其車以逐禽左也。拔矢括也。

遊于北園。四馬既閑。輜車鸞鑣。載獫狁騶。

園園也在國城北故曰北園。本周之國學。爲學士肄禮樂之所。非輕車田犬所宜入也。輜車輕車之萃也。鸞鑣鈴聲象鸞鳴設馬銜也。獫狁騶皆田犬名。獫能入險取禽。猓騶則善守禦而技又僞捷者。騶一作猓。

周制田遊之職司馬掌之。僕右之屬必備其官。必卜其吉而後從事。追驅逆旣設亦必發刺有節。射御有節。凡以納民軌。

物也。若從狩止於嬭子，則廢官而又非其人矣。辰牡而奉以待射，則不可云驅逐矣。左之出於公，令則御者必失其馳，甚至貳車載犬，不更貴犬而賤人乎？讀車鄰駟鐵而已見秦之棄禮義尚武功，雖或繼周不能久也。

小戎三章章十句

小戎刺專尚武功不思德音也

小戎侵收。五檠梁輈。游環脅驅。陰鞞塗續。文茵暢轂。駕我騏驎。言念君子。溫其如玉。在其板屋。亂我心曲。

小戎小於戎路廣車也。像淺收狹也。廣車車前廣大可容左右與御三人。而車中則淺狹如常車也。五五束也。檠歷錄成文也。

梁輶輶首穹隆如梁也輶木直而首曲如梁慮其易折故以革
五束而木革相間成文也游環輶環也以皮爲環當兩服馬之
背游移前却無定處引兩騂之外轡貫其中而執之以制騂馬
不得外出也脅驅亦以皮爲之前繫衡兩端後繫軫兩端當服
馬脅之外以驅騂馬不得內入也陰揜軌也軌在軾前而以板
橫側揜之也鞮以皮二條前繫騂馬之頸後繫陰板之上也塗
續陰板上有續鞮處消白金沃灌其環以爲飾也文虎皮文也
茵車褥也以虎皮爲車褥也暢長也兵車高故較長也騂馬青
白色文即下騂騂也鼻絆足也既駕而又絆其足蓋爲嚴備也
君子有德位之稱喻其君也溫和厚也如王比德於王也不直

曰溫溫如玉。而以其爲語助者。念君子既有其位。尤望有其德也。板屋。以板爲屋。西戎之俗也。心曲。心不遂而多委曲也。秦既列爵於伯。則宮室之儀。固有節矣。而猶循西戎舊俗。在其板屋。故爲之亂心曲也。

四牡孔阜。六轡在手。騏驎是中。騶驪是駟。龍盾之合。鎗以腹軔。言念君子。溫其在邑。方何爲期。胡然我念之。

駟。今東駟赤色。中。兩服馬也。黃馬黑喙曰騶驪。黑馬也。盾。干也。畫龍於盾。合二載之。以爲車上之衛也。腹軔。環之有舌者。軔。驂內轡也。置軔於軾前。以繫軔。故曰腹軔。亦消沃白金爲飾也。邑。國中。也。方。比也。何。何人也。期。冀也。言君子當和厚其德。以居其國。

比之前哲何人爲可冀乎胡然指上六句而言與之也專尚武功則可異不能不念也

倭駟孔羣。公牙鑿鑿。蒙伐有苑。虎韞鏤膚。交韞二弓。竹閉緹縢。言念君子。載寢載興。厭厭良人。秩秩德音。

倭駟廣車駟乘也羣馬性羣和也公牙三隅牙也鑿鑿以白金沃牙下端而平底也蒙蔽也伐中干也苑多貌以伐蔽車不一而足也虎韞以虎皮爲弓室也鏤膚刻韞之中以爲飾也交韞以二弓顛倒相交置一韞也閉弓繫也緹縢縢約也以竹爲閉以繩約於弛弓之表繫弓體使正也寢而興寢不安也厭厭久安而饜飲人心也秩秩有序也念君子而不能安寢以其武備

雖有餘而良人之德音則不類也

周之初生亦本陶復陶穴然遷岐而後司空司徒奉門應門其官其制無不粲然改觀蓋以爲國自有體也襄公既列諸侯而尚仍板屋之俗其能承三代之權輿乎車鄰駟職序而不斷意在言外此詩則每章前半極形武備之盛而以言念婉轉出之或正言或反言至末句秩秩德音則微文刺譏大意顯然矣蓋秦本周先王故都其人猶有二南遺風非他國所能及故作歌志感尤深溫柔敦厚也

兼葭三章章八句

兼葭政暴而賢隱雖招之不出也

兼陵蒼蒼。白露爲霜。所謂伊人。在水一方。遡洄從之。道阻且長。遡游從之。宛在水中央。

兼蘼也。蒼蒼。生意盛也。露爲青澤。白則寒而不能澤物矣。況變爲霜。則殺氣重而蒼蒼者無不敗耶。喻政暴則民殘也。伊人。有令聞之人也。遡洄。逆流而上。遡游。順流而下也。在水中央。言其沉淪而不出也。

兼陵淒淒。白露未晞。所謂伊人。在水之湄。遡洄從之。道阻且躋。遡游從之。宛在水中坻。

淒淒。寒甚無生意也。晞。乾也。惟寒重未晞。故生意盡也。水草交曰湄。躋。升也。欲升而不得也。坻。水渚也。

蒹葭采采。白露未已。所謂伊人。在水之涘。溯洄從之。道阻且右。溯游從之。宛在水中沚。

采采非一采也。而寒猶未已。喻民力悉而尚有餘虐也。右出右而不相直也。

讀此詩似伊人之於秦。已有魯連寧蹈東海之意。又何俟始臯而後四皓入商山耶。

終南二章章六句

終南刺無威儀制度也。

終南何有。有條有梅。君子至止。錦衣狐裘。顏如渥丹。其君也哉。
終南山在陝西秦之望也。條山楸也。有條梅喻未嘗無材也。君

子謂其君也。至止隨行所在而言也。錦衣狐裘。譏非法服也。周制朝服以布尚白。祭服以絲尚黑。戎服以韋尚赤。即狐裘衣錦燕居服之猶當尚聚。所謂朝玄端夕深衣也。豈有至止而徒衣錦者乎。顏如渥丹。則酒食之養而非人君穆穆皇皇之德容也。其君也哉者。疑而怪之之辭。言以爲非君。旣不可而審其儀容。乃殊不似也。

終南何有。有紀有堂。君子至此。散衣繡裳。佩玉將將。壽考不忘。紀者治國之政堂。則以出治之處也。有紀掌喻。未嘗無制也。散衣繡裳。兩已相背也。繡刺繡也。散言其辨。繡言其文。佩聲言其德音。君子如此。則歷年久遠而民不能忘也。

此詩二章抑揚盡致上章訝今下章思古至末句而知天下
土崩二世而亡有決然者。

黃鳥三章章十二句

黃鳥刺殉葬以人也

交交黃鳥止于棘。誰從穆公。子車奄息。維此奄息。百夫之特。臨其
穴。惴惴其慄。彼蒼者天。殲我良人。如可贖兮。人百其身。

交交飛往來貌。從穆公從死也。子車氏奄息名。特傑出也。殲盡
也。

交交黃鳥止于桑。誰從穆公。子車仲行。維此仲行。百夫之防。臨其
穴。惴惴其慄。彼蒼者天。殲我良人。如可贖兮。人百其身。

防當也

交交黃鳥。止于楚。誰從穆公。子車鍼虎。維此鍼虎。百夫之禦。臨其穴。惴惴其慄。彼蒼者天。殲我良人。如可贖兮。人百其身。

主殉者固非。而從殉者亦非。詩雖哀三良。聖人之旨。則惡其以西戎之俗。壞先王之葬禮也。十五國風。以謚爵見於詩者。惟召南。再言平王。此詩三言穆公。夫平王者。周之所由衰也。穆公者。秦之所由盛也。咏平王而王迹熄矣。咏穆公而知繼周者。秦三代之禮。埽地無遺矣。

晨風三章章六句

晨風。思周也。東周日卑。西周遂淪於秦。而秦政日暴。故

詩人思不

駛彼晨風。鬱彼北林。未見君子。憂心欽欽。如何如何。忘我實多。

駛疾也。晨風。曉風也。日將旦。則清風發其勢。疾者。風尤寒。屬喻
秦政之暴也。鬱。茂密貌。北林。北園之林也。君子。謂時王也。欽欽。
憂貌。如何。猶奈何也。再言之。憂之至也。忘我實多。傷東周之苟
安而無志興復也。

山有苞櫟。隰有六駮。未見君子。憂心靡樂。如何如何。忘我實多。
駮。梓榆。

山有苞櫟。隰有樹檉。未見君子。憂心如醉。如何如何。忘我實多。
櫟。唐櫟。櫟。赤羅。

平王初遷西都雖爲木秦而故家遺俗政令猶存豐鎬之間
尚冀西歸之好音也。迨乎桓莊王室多故日益卑弱西周遂
淪於秦召旻所言日蹙國百里正是時矣。詩人以歎彼喻秦
之暴以鬱彼喻百二之關山而又以未見爲憂忘我爲怨蓋
非特秦德之涼亦以見周先王之世澤其入人者深也。

無衣三章章五句

無衣。吾奉王命。勤王也。子帶之亂。襄王奔鄭。告難於秦。
穆公師於河上。謀納王。故詩人喜之。

豈曰無衣。與子同袍。王于興師。修我戈矛。與子同仇。

袍。繭也。羊裘王也。

豈曰無衣。與子同澤。王于興師。修我矛戟。與子偕作。

澤。表衣也。

豈曰無衣。與子同裳。王于興師。修我甲兵。與子偕行。

商之亡也。雖以武王周公之聖。而多士多方。尚煩詰命。況周之東遷。其主猶在。而秦之不德。又非周先王之比乎。蓋水火之中。救死不暇。而安定之後。舊德難忘。人有同心。千古一轍矣。故晨風以未見爲憂。無衣以興師爲喜。合之周南孔邇之歌。可以驗民情。尤可以規國政焉。

渭陽二章章四句

渭陽穆公納晉文公也

我送舅氏。曰至渭陽。何以贈之。路車乘黃。

我穆公自我也。舅氏。謂晉文公也。同姓曰伯氏。異姓曰舅氏。古人之通稱也。路車。乘黃。諸侯之制。

我送舅氏。悠悠我思。何以贈之。瓊瑰玉佩。

瓊瑰。美石似玉。亦諸侯之佩也。

自展風至此三篇。事皆在黃鳥前。而詩後黃鳥者。義不繫於秦也。故展風無衣。見民情之不忘周室。而此詩則又志晉文之所由伯。猶衛風載木瓜也。

權輿二章章三句

權輿慨秦不能繼周也

於我乎夏屋渠渠。句今也每食無餘。句于嗟乎不承權與。

於歎詞我我西周先王也夏華夏也屋人所居以安也渠渠廣大貌歎言我堯王創制天下覆庇生民極其廣大也今謂秦也每食無餘則形民之力不能無辭飽之心矣承繼也權與謂法度也權以定輕重與以別尊卑三代損益所由制禮以安天下也至秦一切棄而不承其何以能國乎。

於我乎每食四簋。今也每食不飽。于嗟乎不承權與。

簋禮器也每食四簋動必以禮也若每食而不知飽則縱欲無厭天下大亂矣。

夫爲國以禮唐虞三代因革損益不知幾費經營矣至秦因

周故都盡反周政以禮教爲不足用而務掃除而淨盡之其能不二世而亡乎詩惟二南之末終以于嗟而此又以于嗟終之者蓋秦本周召所治之地而不承權輿則非特人亡政息而已聖人能不深爲致慨也哉

秦十篇二十七章百七十七句

春秋之初主宣既卑齊桓創伯晉文繼伯名雖伯其實王也但畏其名而不敢僭耳晉伯衰而戰國終并於秦則秦之次唐非特因穆公爭伯於前亦足以見天下大勢必入於秦矣若其不由禮讓而恃力征十篇之中反覆深切著其速亡之驗尤萬世之龜鑑也矣

陳一之十二

陳國今河南陳州府武王以封虞帝之後爲侯繼秦以陳
何也齊晉之伯尚云尊王而攘楚也至秦晉爭伯則爭強
而已故自秦晉爭伯而楚與秦合楚與秦合而楚強楚強
而晉弱晨陵之盟陳鄭從楚而楚旅始圖伯焉其後入陳
敗夏徵舒以荆轲伸討賊之義而伯業遂成中夏莫敢抗
矣然則繼秦以陳者志楚之伯而又以見陳之終滅於楚
也不列楚風猶春秋不書楚葬外之也

宛丘三章章四句

宛丘刺遊蕩也

子之湯兮。宛丘之上兮。洵有情兮。而無望兮。

子指其君也。湯遊蕩也。宛丘。丘名在陳國中。望聞望也。坎其擊鼓。宛丘之下。無冬無夏。值其鷺羽。

值植也。鷺春鉏鷺鷥也。羽以其羽爲翳。舞者持以指麾也。坎其擊鼓。宛丘之道。無冬無夏。值其鷺翮。

缶瓦器。可以節樂。

恒舞恒遊。官刑所做。今陳南通楚。而君之荒。乃如是。其能久乎。

東門之枌。三章章四句。

東門之枌。亦刺遊蕩也。

東門之粉。宛丘之榘。子仲之子。婆娑其下。

粉。白榆子。仲。陳大夫子。其女也。子仲之子。於陳無足輕重意者。爲君夫人。抑君之嬖人。歟。婆娑。舞貌。

穀旦于差。南方之原。不續其麻。市也。婆娑。

穀。善。奉。擇也。言既擇吉。旦以遊南原。遊興未盡。而又舞於後市也。婦人以桑麻爲業。不續其麻。則遊舞無度。棄其業次也。

穀旦于逝。越以陂邁。視爾如效。貽我握椒。

逝。往。越。於也。陂。麻。縷之數邁。行也。以陂邁者。當續仍遊也。上章言以遊廢績。此章言攜績從遊。荒於遊之至也。效。比。芣。即紫荊。末二句。蓋其君率嬖倖偕遊而相諛之辭。

漢有游女周所由衰今陳君好蕩而內嬖相習成風宜其日趨於削也

衡門三章章四句

衡門賢人安貧賤也

衡門之下可以棲遲泌之洋洋可以樂飢

衡門橫木爲門一畝之宮也棲息遲待也泌泉上出也洋洋水流貌泉之上出外流象君子之有德果行故樂之忘飢也

豈其食魚必河之魴豈其取妻必齊之姜
豈其食魚必河之鯉豈其取妻必宋之子

首章曰可以下二章曰豈必則知其人固非石隱者流特以

時不可爲而安於貧賤耳第賢者既以身殉道則當時之在位者豈尚有人耶

東門之池三章章四句

東門之池勸從晉也

東門之池可以漚麻。彼美淑姬。可與晤歌。

漚漬也。姬晉妹。晤遇也。

東門之池可以漚紵。彼美淑姬。可與晤語。

紵麻屬

東門之池可以漚菅。彼美淑姬。可與晤言。

菅茅屬

齊桓棄世中國無伯而陳脅於楚迨晉文繼伯陳始從晉自
後晉楚爭陳而春秋貶其從楚故此詩以淑姬可與爲勸

東門之楊二章章四句

東門之楊未詳其義

東門之楊其葉牂牂昏以爲期明星煌煌

楊白楊也牂牂大貌明星啟明星也煌煌明貌

東門之楊其葉肺肺昏以爲期明星哲哲

肺肺猶牂牂哲哲猶煌煌也

春秋於陳事甚略而此詩又簡短即以爲期而過時亦不知
所期何事矣

墓門二章章六句

墓門刺大夫也

墓門有棘斧以斯之夫也不良國人知之知而不已誰肯然矣
墓門域墓有門也斯析也古者於墓多樹材木若生棘刺則當
斯之也夫大夫也已罷斥也昔久也誰肯然者言誰久使爲大
夫刺靈公也

墓門有梅有鵲萃止夫也不良歌以訊之訊予不顧顛倒思予
鵲惠鳥也萃集訊告也告之而不予顧必至顛倒而後思予亦
無及矣

靈公淫亂以至被弑亡國實孔寧儀行父之逢長爲之此詩

專刺大夫之不良而不斥靈公之惡猶爲婉而諷也

防有鵲巢二章章四句

防有鵲巢夏御叔憂也

防有鵲巢印有旨咎誰侮予美心焉忉忉

防地名舉鵲巢言鳥猶有居室也印有旨美也咎咎饒可生食言旨喻己之所愛也誰者不敢斥言其人謂靈公也侮誰也誘也予美指鄭姬也

中唐有甃印有旨鵲誰侮予美心焉惕惕

廟中路曰唐甃甃甃也必有之而後爲完室也鵲小草有文如綬若旨其味鵲旨其色皆以喻予美也惕惕猶忉忉也

御叔娶於鄭曰夏姬有美色靈公與孔寧儀行父俱通焉御叔憂之而御叔死矣傳云殺御叔是也

月出三章章四句

月出詩人憂夏徵舒有弑械也

月出皎兮佼人僚兮舒窈窕兮勞心悄兮

皎明也佼美色也佼人謂鄭姬也僚好貌舒徵舒也窈窕深糾緊也言徵舒含怒甚深切也

月出皓兮佼人慄兮舒憂受兮勞心慄兮

皓猶皎也慄猶僚也憂受憂心含忍而不能受也慄猶悄也

月出照兮佼人燎兮舒天紹兮勞心慄兮

燎明天禍紹繼也言微舒弑逆之禍即繼至也慘痛也

此詩著微舒弑君之兆御叔殺而夏姬淫則微舒於靈公幾不共戴天矣然則君可弑乎曰父不受誅子復讎亦止謂有司之營私枉法者耳非可施之於君也況又生其國而居其位食其祿乎故淫亂雖靈公之惡而微舒弑君之誅不容少貸

株林二章章四句

株林刺靈公淫乎夏姬也

胡馬乎株林從夏南匪適株林從夏南

株林夏氏邑南微舒字也云從夏南婉辭也

駕我乘馬說于林野乘我乘駒朝食于林

馬六尺以上曰駒

自墓門至月出雖足著靈公之淫亂而猶未直言也故於此詩盡之

澤陂三章章六句

澤陂傷洩治也靈公與孔儀淫乎夏氏洩治諫不聽遂被殺故詩人傷之

彼澤之陂有蒲與荷有美一人傷如之何寤寐無爲涕泗滂沱
陂澤障也有美一人謂洩治也傷如之何傷其以誅被殺也自
目曰涕自鼻曰泗滂沱涕泗橫流貌

彼澤之陂有蒲與荷。有美一人。碩大且卷。寤寐無爲。中心悁悁。
卷鬢鬢好貌。悁悁憂貌。

彼澤之陂有蒲菡萏。有美一人。碩大且儼。寤寐無爲。輾轉伏枕。
菡萏水深處也。儼矜莊貌。輾轉伏枕。不能寐。蓋憂有弑君亡
國之禍。非僅傷洩治矣。

以此詩殿陳風。著陳所由亡也。康侯胡氏曰。殺諫臣者必有
弑君亡國之禍。故洩治殺而靈公被弑。楚莊驟陳矣。此春秋
世變之大端。亦爲世君人之大戒也。

陳十篇二十六章百十四句

陳魏二風大旨相似。魏滅而晉伯。陳入而楚伯。故於詩

皆舉其致亡之由而不特此也。粵自周室既衰，天下無
手自鄭莊始。其後齊晉更伯，至於戰國遂并於秦。而說
者猶曰：楚雖三尺亡，秦必楚。今聖人刪詩，顧錄陳而不
及楚，豈不以秦之亡由於陳勝之王陳，而楚固已先亡
乎？是故讀二南邶鄘衛手而可以識王者宅中治天下
之大規也。讀鄭齊魏唐秦陳而可以知西周之後，西漢
之前，春秋戰國世變遷流之大槩也。

檜一之十三

檜武王封祝融之後爲子於濟洛河潁之間。今開封府鄭
州是也。鄭桓公滅之，國在鄭先。而詩錄陳後，義不繫於鄭。

也

羔裘三章章四句

羔裘刺時王苟安也

羔裘逍遙。狐裘以朝。豈不爾思。勞心忉忉。

周之東也。豈逍遙之時哉。故思之而心勞也。

羔裘翱翔。狐裘在堂。豈不爾思。我心憂傷。

羔裘如膏。日出有曜。豈不爾思。中心是悼。

膏裘光澤貌。言日出而不言日照。則義與裘不相蒙也。蓋天子當陽猶日之照臨下土。其光當無不曜。若東周之王不幾於日出無光也哉。而乃徒膏其裘。故思之而不能不心悼也。

檜詩大概東遷後所作檜已入於鄭矣別爲檜風者鄭聲變而淫豔檜之四詩則憂歎迫切蓋其遺風也日出有曜旨微而婉矣

素冠三章章三句

素冠刺喪禮壞也

庶見素冠兮棘人樂樂兮勞心悒悒兮

素冠縞冠素純既祥之冠也素冠雖未純吉已非喪冠矣棘吉也禮喪事用桑吉事用棘再期而祥去喪即吉故曰棘人樂樂瘠貌餘哀未忘故也悒悒憂貌憂僅見也

庶見素衣兮我心傷悲兮聊與子同歸兮

素衣素絲之衣祥祭不衣玄亦即吉有漸也

底見素鞞兮我心蘊結兮聊與子如一兮

鞞蔽膝也素亦祥祭之色蘊結猶鬱結也

先王制禮慎終爲要凶禮廢則天性漓而民德日趨於薄矣

隰有萋楚三章章四句

隰有萋楚傷天下無道也

隰有萋楚猗猗其枝天之沃沃樂子之無知

萋楚鉞弋羊桃也猗猗柔順貌天少好也沃沃光澤貌子指萋

楚也若使萋楚有知必不能猗猗天沃故云樂也

隰有萋楚猗猗其華天之沃沃樂子之無家

隔有長蛇猗猗其雷天之沃沃樂子之無室

子曰鳥獸不可與同羣吾非斯人之徒與而誰與王者以天下爲家若必無室家惟無知者能之耳聖人栖栖皇皇不敢隱遁於此詩見之

匪風三章章四句

匪風傷周道也東周日卑天下無王而思文武也

匪風發兮匪車偈兮顧瞻周道中心怛兮

發暴風也偈疾驅也非風發而如發非車偈而如偈則以周道之不成乎周道也故不能不怛焉傷之

匪風飄兮匪車嘒兮顧瞻周道中心弔兮

回風曰飄。飄亦疾也。弔亦傷也。

誰能亨魚。溉之釜鬻。誰將西歸。懷之好音。

溉。祿也。釜。釜屬。治國如烹鮮。有能者則先爲溉祿。企待之情迫也。懷。寄也。西方爲周道所由。興有歸者則懷以好音。思念之情切也。

聖王不作。周道陵夷。職是咎者。其在平桓乎。至末四句而如有用我其馬。東周聖人之情見乎辭矣。

檜四篇十二章四十五句

自周南至陳風。列十二大數。已備更錄。檜。曹者。猶詩人之嗟嘆。長言辭有盡而意無窮也。是故檜風四篇。傷無

君也。曹風四篇，傷無臣也。上無聖王，下無賢佐，此東周所以終於戰國也。

曹一之十四

曹國今山東曹州府曹縣。武王以封弟振鐸，爲伯。繼檜以曹者，鄭滅檜而天下無王。宋入曹而天下無伯。春秋之終始也。

蜉蝣三章章四句

蜉蝣刺竊位偷生也。

蜉蝣之羽，衣裳楚楚。心之憂矣，於我歸處。

蜉蝣渠略也。蓋水蟲，本生水中，能飛浮水面。楚楚，鮮明貌。喻在

位者無所短長但浮游以俟死雖有衣服章身猶蜉蝣也於我歸處者言我適當其時故其人之歸處乃於我也

蜉蝣之翼采采衣服心之憂矣於我歸息

采采華飾也息休也

蜉蝣掘閱麻衣如雪心之憂矣於我歸說

掘閱閱見也人臣陳力就列非必大功亦且積日而在高位今乃突然而見如蜉蝣然則非其人矣麻衣朝服也雖白如雪其能勝任乎說喜悅也但以服美為悅也

大君狃於道導則日出無曜矣大臣玩於浮游則掘閱無功矣禮曹首此二詩歎東周之不可為也

候人四章章四句

候人刺在位皆非其人也

彼候人兮何戈與祿。彼其之子三百赤芾。

候人掌道路迎送賓客之官。何揭般父也。候人而何戈祿則候人之徒役之賤者也。彼其之子大夫士之通稱也。再命以上皆赤芾。芾。鞶也。周官三百六十除一命則不及三百。參曰三百舉成數也。言候人之賤役尚不敢曠其職。若三百之之子果能勝其任乎。曹小國耳。豈能備官三百。當主王室而言。故檜曹二風皆義通天下。不專于一國也。

維鷩在梁。不濡其翼。彼其之子不稱其服。

鵜汙澤即洶河也能捕魚不濡翼漁人但飽畜之如小人但服其服而不舉其職與服不稱也

維鵜在梁不濡其味彼其之子不遂其媾

味啄遂媾媾寵也性貪故雖寵以高俸而猶不遂也

蒼兮蔚兮南山朝隰婉兮孌兮季女斯飢

蒼蔚材木茂盛貌隰雲氣升騰也南山高大材木所聚也而雲嵐蒙覆則上不見天日下隱南山矣喻羣小用事上壅主聽下塞賢路也婉孌季女不嫁喻賢才不得仕進也飢喻貧賤也羣小用事賢人能不固守貧賤乎

周室之東諸丘中有麻之詩則先王教養所留遺未遂無賢

也而此詩所刺若此其殆謂宰嚭渠糾尹仍凡祭諸人乎

鴈鵠四章章六句

鴈鵠思賢相也

鴈鵠在桑其子七兮淑人君子其儀一兮其儀一兮心如結兮

鴈鵠鵠也七者不盡之數言其多也喻冢宰秉國之均而百官無不受成也鴈鵠必言在桑取其亡繫桑之義安不忘危也既言淑人又言君子必淑人而後可居君子之位也儀威儀也一不二也心如結者志安社稷不懈于位也

鴈鵠在桑其子在梅淑人君子其帶伊緜其帶伊緜其弁伊緜梅謀棘言榛至皆以喻一臣斷斷則賢才並進國家利賴也騏

同璩弁飾也。帶絲弁。騃者。淑人君子。束帶戴弁。以立於朝。雖無他技。而羣策羣力。天下自平也。

鴈鳩在桑。其子在棘。淑人君子。其儀不忒。其儀不忒。正是四國。忒。差也。四國。四方諸侯也。

鴈鳩在桑。其子在棘。淑人君子。正是國人。正是國人。胡不萬年。遠可正四國。則近必先正國人。遠近皆平。何憂不萬年長治乎。歎當時之不然也。

此詩與上篇正相反。否泰治亂所由分也。

下泉四章章四句

下泉惠賢伯也

冽彼下泉。浸彼苞稂。慨我寤歎。念彼周京。

冽清潔而甘也。下泉泉下流也。稂藏莠。今狼尾艸中牛馬芻。冽泉止浸苞稂。則王澤僅沛於羣小矣。慨歎聲周京西周先王之都也。慨歎而念周京傷今而思古也。

冽彼下泉。浸彼苞蕭。慨我寤歎。念彼京師。

蕭蒿艸。卑喻指克也。京周猶周京也。

冽彼下泉。浸彼苞菁。慨我寤歎。念彼京師。

菁蒿屬。京大師。衆主居之。稱猶京周也。

芄芄黍苗。陰雨膏之。四國有玉。邠伯勞之。

黍苗喻諸侯。陰雨喻伯者。黍苗之生長由於陰雨之潤澤。諸侯

之尊王由於郇伯之勞來歟當時之不然也郇畿內諸侯伯爵
文王之後今平陽府臨晉縣東北有郇城

周制三公一相治內二伯治外雖官不必備而職不可廢也
故上章思賢相此章思賢伯也

曹四篇十五章六十八句

自平王東遷迄春秋之末幾三百年天下之無道也久
矣檜曹二風包春秋之終始亂極思治而於匪風下泉
一則再言周道一則再言周京何也蓋道之以德齊之
以禮治天下之大本也自唐虞夏商因革損益至於周
而大備故後世雖極衰亂而猶綿祀八百餘年迨強秦

鑒周之弱遂以禮教爲不足爲而滅裂暴棄之適足以速其亡而已矣然則周之衰也由於廢禮而其衰而不至遂亡者猶禮教維持之力也迨乎漢興雜伯不純王道之所留遺僅存十一於千百而治遂不古若夫聖人誠神之道遠鑒萬世其能不諄諄眷念於有周也哉

幽一之十五

幽今陝西邠州直隸州后稷之後公劉居之遂爲周家開國之基風終於幽者大雅云不愆不忘率由舊章東周之不可爲不由舊章而愆忘之故也若循七月之勤儉守伐柯之遵豆安見立國之不可萬年哉

七月八章章十一句

七月朔周所由興也

七月流火。九月授衣。一之日臧發。二之日栗烈。無衣無褐。何以卒歲。三之日于耜。四之日舉趾。同我婦子。饁彼南畝。田畯至喜。

七月夏正斗柄昏建申之月。凡詩言月皆夏正也。流下也。火心宿也。九月霜降始寒授衣以禦寒也。一之日斗柄昏建子一陽初復之日。周之先以紀侯後遂爲一代之正朔。此詩言日皆周正也。臧發風寒栗烈氣寒也。褐毛布也。歲步戌也。人事始於寅而寅木之精養於戌。故紀天者必溯原於戌而後天步可推也。卒歲謂斗柄昏建丑寅之交歲之終始也。于佳也。耜農器名。即

夏小正祭來蠶。蠶祭於耒也。舉趾舉足而耕也。餽餉也。田畯田官里宰之屬。此章前段言衣之始。後段言食之始。二章至五章終前段之意。六章至八章終後段之意。

七月流火。九月授衣。春日載陽。有鳴倉庚。女執懿筐。遵彼微行。爰求柔桑。春日遲遲。采繁祁祁。女心傷悲。殆及公子同歸。

載始也。陽溫和也。倉庚鵽也。懿深美也。微行小徑也。柔穉也。遲遲日長而暄也。采繁亦以飼蠶也。祁祁多也。傷悲將嫁而遠父母也。殆將也。公子幽公之女公子也。同歸媵也。

七月流火。八月萑葦蠶。月條桑。取彼斧斨。以伐遠揚。猗彼女桑。七月鳴鵽。八月載績。載玄載黃。我朱孔陽。爲公子裳。

荏葦即蕪陵也八月取之爲曲薄可以栖蠶蠶月治蠶之月條
桑折條取葉也折斧屬遠揚遠枝揚起者倚依也依而采葉也
女桑小桑也鵬伯勞也陽明也此公子與下章公子則指幽公
之子而言以上二章言蠶績之事以終首章無衣之意

四月秀葺五月鳴蜩八月其穫十月隕穽一之日于貉取彼狐狸
爲公之裘二之日其同載績武功言私其縱獻新于公

不花而實曰秀葺草名蜩蟬也其穫者早禾可穫也隕墜也穽
枝葉之槁者貉兵祭名將田而表貉以祭也狸獸名同竭作以
田也續繼也田非止爲取禽亦以習武也新三歲豕也此章言
田事以終首章無褐之意

五月斯蠡動股。六月莎雞振羽。七月在野。八月在宇。九月在戶。十月蟋蟀入我牀下。穹窒熏鼠。塞向墐戶。嗟我婦子。曰爲改歲。入此室處。

燕蝗蚱蟬種類不一。統名曰蠡。動股始躍也。莎雞絡緯也。振羽始飛也。宇。簷下也。戶。牀下。寒漸深而避之也。穹。空隙也。窒。塞也。鼠。害穴隙。故熏之。向。牖。墐。塗也。戶。北出戶也。爲改歲而入室。蓋自十月禦寒事畢。至春而始出也。此章亦終首章禦寒之意。六月食鬱及薁。七月亨葵及藟。八月剝棗。十月穫稻。爲此春酒。以介眉壽。七月食瓜。八月斷壺。九月叔苴。采荼薪樗。食我農夫。鬱。棗屬。雀李也。薁。葵也。藟。菜名。叔。豆剝擊也。穫。稻以釀酒也。

介助也介者壽頌稱之時果酒嘉蔬所以養老燕賓也章瓠也
叔拾取也苴麻子也瓜壺苴荅農家常食所必需也自此至卒
章終首章後段之意

九月築場圃十月納禾稼黍稷重穰禾麻菽麥嗟我農夫我稼既
同上入執宮功盡爾于茅宵爾索綯亟其乘屋其始播百穀

場圃同地物生時則治爲圃物成後則築爲場納自田而納於
場也禾穀連葉結之總名種使成熟曰稼先種後熟曰重後種
先熟曰穰再言禾者稻粱之屬皆禾也同聚也上入自野而上
入國之中域也執執役也宮公官也執宮功公甸力役之事也
稼既同則入城而治公家之官室也索綯綯繩亟急乘升也始

歲始也播穀則不暇治寧故亟也此章終始農事以極憂勤艱
難之意

二之日鑿冰沖沖三之日納于凌陰四之日其蚤獻羔祭韭九月
肅霜十月漙場朋酒斯饗曰殺羔羊躋彼公堂稱彼兕觥萬壽無
疆

鑿冰取水也沖沖鑿冰聲凌陰冰室也蚤蚤朝也韭菜名獻羔
祭韭所以啓冰重其事也藏冰發冰亦王者輔相調變之政也
肅霜氣肅而霜降也漙場農事畢也兩尊曰朋饗饗禮也躋升
也公堂君之堂也稱舉疆竟也農事畢而行饗於公堂上以勞
下卞因以祝上也

周官籥章中春晝擊土鼓吹豳詩以逆暑中秋夜迎寒亦如之即此詩也周以農事開國而農事首重天時故謹寒暑辨陰陽後有天下遂因之改正朔也此詩雖咏民風而公劉之爲國有以先之勞之矣故爲周人開國之基

鳴鵒四章章五句

鳴鵒周公傷王室以喻成王也公遭流言避居私邑二年而管叔等以武庚畔公乃作此詩以貽王

鳴鵒鳴鵒既取我子無毀我室恩斯勤斯鬻子之閔斯

鳴鵒鳴鵒惡鳥也子鳥子室鳥巢也恩斯勤斯鬻育閔憂也通篇託爲鳥言以鳴鵒喻武庚子喻管蔡室喻王室也二叔以武

庚畔而辭反咎武庚者非特爲親者諱實亦二叔之爲武庚所愚也直云取云閔者人臣無將既畔則雖親必誅也

迨天之未陰雨○徹彼桑土○綢繆牖戶○今女下民○或敢侮予○

迨及徹取也桑去桑根之皮也綢繆纏束也牖以通氣戶以出入極言己之思患預防也或者未定之辭言雖無陰雨之患而尚慮下民之或侮也

予手拮据○予所捋荼○予所蓄租○予口卒瘁○曰予未有室家○

予爪也拮据竭蹶貌荼荏苒可藉巢者蓄積聚也租禾粟之屬卒盡也未有室家喻王室新造而未安也

予羽譙譙予尾脩脩予室翹翹風雨所漂搖予維音嘒嘒

譙譙殺也脩脩散也翹翹危動也風雨漂搖喻武庚也嘒嘒急也維音嘒嘒不得不作詩以喻王也

周室初造武王崩成王幼二叔流言殷民不靖天下之至危也而周公瘖口嘒音卒致成康之盛若夫平王東遷天下猶宗周矣而檜之蒸襄曹之蜉蝣君臣安坐以成其敗則治亂興亡之故雖曰天運豈非人事哉此豳風所以繼鴉鵲於七月也

東山四章章十二句

東山周公東征武庚功成而歸勞軍也

我徂東山。惓惓不歸。我來自東。零雨其濛。我東曰歸。我心西悲。制

彼裳衣。勿士行枚。蜎蜎者蠋。烝在桑野。敦彼獨宿。亦在車下。

惓惓久也。濛雨貌。裳衣。禮服。士事也。行戎行也。枚。軍行銜之以止語者。蜎蜎。動貌。蠋。桑蟲。烝。上行也。敦。獨貌。

我徂東山。惓惓不歸。我來自東。零雨其濛。果臝之實。亦施于宇。伊威在室。蠨蛸在戶。叮嚀鹿場。熠熠宵行。亦可畏也。伊可懷也。

桃李曰。果。瓜瓠曰。臝。一作蔕。伊威。鼠婦也。蠨蛸。小蜘蛛。長脚者。叮嚀。舍旁隙地。鹿場。鹿以爲場也。熠熠。明不定貌。宵行。夜行也。謂螢火之屬。畏畏。從征之後。室家荒廢也。懷。雖荒廢而亦不能不懷也。

我徂東山。惓惓不歸。我來自東。零雨其濛。鸛鳴于垤。婦嘆于室。洒

婦。穹室。我征事至。有敷。瓜。苦。烝。在。栗。薪。自。我。不。見。于。今。三。年。

鸛。水。鳥。埤。土。丘。也。婦。征。者。之。婦。也。從。征。久。而。不。歸。故。嘆。也。洒。婦。穹。室。捷。音。至。而。知。歸。期。近。也。瓜。苦。匏。瓜。也。不。見。三。年。感。從。征。之。久。也。

我。徂。東。山。惓。惓。不。歸。我。來。自。東。零。雨。其。濛。倉。庚。于。飛。熠。燿。其。羽。之。子。于。歸。皇。攸。其。馬。親。結。其。綯。九。十。其。儀。其。新。孔。嘉。其。舊。如。之。何。

倉。庚。飛。昏。姻。時。也。熠。燿。鮮。明。也。皇。大。也。駉。雜。色。結。解。結。也。猶。治。亂。言。亂。也。綯。纒。也。昏。禮。埤。親。脫。婦。纒。或。九。或。十。極。儀。之。盛。昏。禮。備。也。新。新。昏。者。舊。舊。有。室。者。

序。曰。一。章。言。其。完。也。二。章。言。其。思。也。三。章。言。其。室。家。之。望。女。

也四章樂男女之得及時也君子之於今序其情而閔其勞所以說也說以使民忘其死其惟東山乎愚按周公東征至於三年勞且久矣而其勞歸士也無一言及討賊之義奏凱之功何也吾於是而知聖人之心公而恕仁而讓也夫紂雖以無道失天下而武庚爲之子殷民爲之臣其思殷先王之德業而乘釁不靖人情所不能免也至於羣叔親親之誼又不忍以聲罪致討故武庚管蔡叛亂之罪固在不赦而不可以爲賊東征三年破斧缺斨而不可以爲功厥後封宋爲客地方五百里而管蔡列爲侯伯未嘗再亂則聖王之治天下亦惟自盡其性而已此周公之成文武所以爲王道之至

極歎

破斧三章章六句

破斧征士答周公也

既破我斧。又缺我斨。周公東征。四國是皇。哀我人斯。亦孔之將。
皇匡將大也。四方不正。則人不得安。故曰哀我人斯。亦孔之將也。

既破我斧。又缺我錡。周公東征。四國是吡。哀我人斯。亦孔之嘉。
錡鑿屬吡。化嘉善也。

既破我斧。又缺我鉞。周公東征。四國是邁。哀我人斯。亦孔之休。
鉞亦斧類。邁斂而固之也。

曰皇曰吡曰邁。見周公之志。惟在安天下。詩人蓋真知聖人。

者歟

伐柯二章章四句

伐柯美周公爲後世法也

伐柯如何匪斧不克取妻如何匪媒不得

伐柯喻修身也匪斧不克剛斷乃能去私也取妻喻克家也匪媒不得有別乃能正家也由是而推之國與天下無二理矣
伐柯伐柯其則不遠我親之子遵且有踐

自天子至庶人皆以修身爲本故又即伐柯申言之其則不遠
欲後世以周公爲法也之子謂周公也遵用竹豆用木皆禮器
也踐行列貌修己以安天下周公豈有他哉亦動必以禮而已

治人者先自治故伐柯主於去私而去私惟以循禮爲要蓋敬義交相養原非二事

九罭四章章三句

九罭股民愛周公也

九罭之魚鱗魴

六字句

我親之子哀衣繡裳

九罭九目之網言網之疎闊也鱗魴大魚也喻武庚之叛東征止誅首惡也之子謂周公也哀衣九章上公助祭之服哀衣繡裳言周公正其衣冠有威儀也營洛邑爲東都有文王武王廟周公留後攝祭故衣哀也

鴻飛遵渚公歸無所於女信處

鴻本水鳥。遵渚其常。喻公歸自有常所。今但於女信處而已。無所豈無所也。女猶我也。對公而言。故云女也。再宿曰信。

鴻飛遵陸。公歸不傷於女信宿。

遵陸言其暫喻公之來東也。復再來也。

是以有袞衣兮。無以我公歸兮。無使我心悲兮。

公惟留後洛邑。是以東方有此服袞衣之人。歸則不可復見者。願其留而憂其去。愛之至也。夫殷民從遷而愛公如此。誠無不格也。

此詩殷遺所作。而列於豳何也。蓋詩以言志。辭有不同。而音無二律。故雖鄭聲之澤。不外先王之樂。無不合於弦歌至志。

趣殊而風俗異明其義者亦第於辭章辨之耳故秦詩反歧
於周召而九戔獨入於豳風惟其然而愈知楚騷別調悖先
王之律不可錄也

狼跋二章章四句

狼跋美周公遭變不失常也

狼跋其胡載疐其尾公孫碩膚赤舄几几

跋躡也胡領下懸肉也疐踖也老狼有胡進躡其胡退又踖其
尾喻周公遭流言進退俱不安也孫避位居東也膚美也赤舄
冕服之舄几几安重貌猶言視履考祥也

狼疐其尾載跋其胡公孫碩膚德音不瑕

瑕玷也

此詩當在鴟鴞前而以殿幽風者素患難行乎患難無入而不自得周公之所以爲聖周道所由隆也

幽七篇二十七章二百二句

周之王業始於公劉成於周公此幽所以殿國風也而周公之聖又以流言避位而益彰此狼跋所以殿幽也使東遷而後倘有周公其人必不至爲春秋戰國此麟趾所以予嗟而幽詩又與相應也